

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ গতিধারা

ঢাকা, সোমবার ১৪ ডিসেম্বর ২০১৫, ৩০ অগ্রহায়ণ ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। আজ শহীদ বুদ্ধিজীবী দিবস: এ উপলক্ষে রাষ্ট্রপতি ও প্রধানমন্ত্রী পৃথক বাণী দিয়েছেন
- ২। বাংলাদেশে আইএস নেই : প্রধানমন্ত্রী
- ৩। সরকারি চাকরিজীবীদের ফ্ল্যাট নির্মাণসহ ৮ ক্রয় প্রস্তাব অনুমোদন
- ৪। ম্যানহোলে শিশু নীরবের মৃত্যুতে ক্ষতিপূরণ চেয়ে রিট
- ৫। বিভিন্ন খাতে সহজ শর্তে ৬ প্রকল্পে ৮৬৬০ কোটি টাকা জাপানি ঋণ
- ৬। দেশের দক্ষিণ-পশ্চিমাঞ্চলের পানি ব্যবস্থাপনা প্রকল্পে এডিবি'র সাথে ঋণচুক্তি
- ৭। বাংলাদেশ দক্ষিণ এশিয়ার শীর্ষ অর্থনৈতিক শক্তিতে পরিণত হতে পারে  
: সেমিনারে মার্কিন আন্ডার সেক্রেটারি শ্যানন
- ৮। বাংলাদেশ এখন এশিয়ান টাইগার  
: গণবক্তৃতায় বিশ্বব্যাংকের ভাইস প্রেসিডেন্ট অর্থনীতিবিদ ড. কৌশিক বসু
- ৯। সামাজিক যোগাযোগ মাধ্যম টুইটার, স্কাইপ, ইমো বন্ধের নির্দেশ
- ১০। পৌর নির্বাচনে প্রার্থী চূড়ান্ত

১। শহীদ বুদ্ধিজীবী দিবস আজ : এ উপলক্ষে রাষ্ট্রপতি ও প্রধানমন্ত্রী পৃথক বাণী দিয়েছেন

আজ ১৪ ডিসেম্বর, শহীদ বুদ্ধিজীবী দিবস। বাঙালির মেধা-মনন-মনীষা শক্তি হারানোর দিন আজ। বিজয়ের মাত্র দুইদিন আগে এই দিনে দেশকে মেধাশূন্য করার পূর্বপরিকল্পনা নিয়ে ঘর থেকে তুলে নিয়ে রায়েরবাজার বধ্যভূমিতে নৃশংসভাবে হত্যা করা হয় বাঙালি জাতির সেরা শিক্ষক, সাংবাদিক, চিকিৎসক, প্রকৌশলী, সাহিত্যিক, বুদ্ধিজীবীসহ বরণ্য কৃতি সন্তানদের। দিবসটি উপলক্ষে রাষ্ট্রপতি মো. আবদুল হামিদ, প্রধানমন্ত্রী শেখ হাসিনা পৃথক বাণী দিয়েছেন। সূত্র-ইনকিলাব (পৃ.১,ক.৬), ইত্তেফাক (পৃ.১,ক.৬), যুগান্তর (পৃ.১,ক.৬), ডেইলি স্টার (পৃ.১,ক.৩), ইন্ডিপেনডেন্ট (পৃ.১,ক.৫)। প্রথম আলো, ভোরের কাগজ এ বিষয়ে লিড নিউজ ছেপেছে।

২। বাংলাদেশে আইএস নেই : প্রধানমন্ত্রী

প্রধানমন্ত্রী শেখ হাসিনা বাংলাদেশে জঙ্গিগোষ্ঠী ইসলামিক স্টেটের (আইএস) অস্তিত্ব আবারও নাকচ করে দিয়ে বলেছেন, দেশে সম্প্রতি ঘটে যাওয়া ঘটনাগুলো প্রাথমিকভাবে অভ্যন্তরীণ বলে তদন্তে দেখা গেছে। তিনি বলেন, বাংলাদেশে আইএসের কোনো অস্তিত্ব নেই। তবে আইন প্রয়োগকারী সংস্থাগুলো রুগার ও বিদেশি নাগরিক হত্যাকারীদের ত্রেফতারে উল্লেখযোগ্য সাফল্য অর্জন করেছে। এ পর্যন্ত তদন্তে প্রমাণিত হয়েছে অভ্যন্তরীণ কারণে এসব ঘটনা ঘটেছে। উচ্চ পর্যায়ের একটি মার্কিন প্রতিনিধিদল গতকাল ১৩ ডিসেম্বর রোববার সেদেশের পররাষ্ট্র মন্ত্রণালয়ের রাজনৈতিক বিষয়ক আন্ডার সেক্রেটারি থমাস শ্যাননের নেতৃত্বে গণভবনে প্রধানমন্ত্রীর সঙ্গে সাক্ষাৎ করতে গেলে তিনি এসব কথা বলেন। সূত্র-ইত্তেফাক (শেষ পৃ.,ক.৮), প্রথম আলো (পৃ.২,ক.২), সমকাল (পৃ.১,ক.৪), ডেইলি স্টার (শেষ পৃ.,ক.১), ইন্ডিপেনডেন্ট (শেষ পৃ.,ক.১)। ডেইলি অবজারভার এ বিষয়ে লিড নিউজ ছেপেছে।

৩। সরকারি চাকরিজীবীদের ফ্ল্যাট নির্মাণসহ ৮ ক্রয় প্রস্তাব অনুমোদন

সরকারি চাকরিজীবীদের আবাসন সমস্যা দূর করতে রাজধানীর মতিঝিল ও আজিমপুরে ফ্ল্যাট নির্মাণসহ মোট আটটি প্রস্তাব অনুমোদন দিয়েছে সরকারি ক্রয় সংক্রান্ত মন্ত্রিসভা কমিটি। প্রকল্পগুলো বাস্তবায়নে সরকারের মোট ব্যয় হবে ৫৫৯ কোটি ১৮ লাখ টাকা। গতকাল ১৩ ডিসেম্বর রোববার সচিবালয়ে মন্ত্রিপরিষদ বিভাগের সম্মেলন কক্ষে অর্থমন্ত্রী আবুল মাল আবদুল মুহিতের সভাপতিত্বে প্রস্তাবগুলোর অনুমোদন দেওয়া হয়। সূত্র-সংবাদ (শেষ পৃ.,ক.৪), ডেইলি স্টার বিজনেস (পৃ.১,ক.৫)।

৪। ম্যানহোলে শিশু নীরবের মৃত্যুতে ক্ষতিপূরণ চেয়ে রিট

রাজধানীর শ্যামপুরে ম্যানহোলে পড়ে পাঁচ বছরের শিশু সাইফুল ইসলাম নীরবের মৃত্যুর ঘটনায় ৩০ লাখ টাকা ক্ষতিপূরণের নির্দেশনা চেয়ে রিট আবেদন করা হয়েছে। গতকাল ১৩ ডিসেম্বর রোববার চিলড্রেন চ্যারিটি বাংলাদেশ ফাউন্ডেশনের পক্ষে রিট আবেদনটি দায়ের করেন ব্যারিস্টার আবদুল হালিম। সূত্র-সংবাদ (শেষ পৃ.,ক.২), যায়যায়দিন (শেষ পৃ.,ক.৮), যুগান্তর (পৃ.২,ক.৮), নিউ নেশন (পৃ.১,ক.৪)।

৫। বিভিন্ন খাতে সহজ শর্তে ৬ প্রকল্পে ৮৬৬০ কোটি টাকা জাপানি ঋণ

বিদ্যুৎ, অবকাঠামো, স্বাস্থ্যসহ বিভিন্ন খাতের ছয় প্রকল্পে বাংলাদেশকে সহজ শর্তে ৮ হাজার ৬৬০কোটি টাকা ঋণ দিচ্ছে জাপান। গতকাল ১৩ ডিসেম্বর রোববার শেরে বাংলানগরস্থ এনইসি সম্মেলন কক্ষে জাপান সরকার ও বাংলাদেশ সরকারের মধ্যে এ সংক্রান্ত ঋণ চুক্তি স্বাক্ষরিত হয়। অর্থনৈতিক সম্পর্ক বিভাগের জ্যেষ্ঠ সচিব মোহাম্মদ মেজবাহউদ্দিন এবং জাপান আন্তর্জাতিক সহযোগী সংস্থার পক্ষে আবাসিক প্রতিনিধি মিকিও হাতায়েদা এ চুক্তিতে সই করেন। সূত্র-ইত্তেফাক (পৃ.১,ক.৮), প্রথম আলো (পৃ.১২,ক.১), সংবাদ (শেষ পৃ.,ক.১), ডেইলি স্টার বিজনেস (পৃ.১,ক.৫), নিউজ টুডে (পৃ.১,ক.১)।

৬। দেশের দক্ষিণ-পশ্চিমাঞ্চলের পানি ব্যবস্থাপনা প্রকল্পে এডিবি'র সাথে ঋণচুক্তি

দেশের দক্ষিণ-পশ্চিমাঞ্চলের পানি ব্যবস্থাপনায় নেওয়া প্রকল্পে সাড়ে ৪ কোটি মার্কিন ডলার সহায়তা দিচ্ছে এশীয় উন্নয়ন ব্যাংক (এডিবি)। একই প্রকল্পে ৭০ লাখ ডলার অনুদান দেবে নেদারল্যান্ডস সরকার। বাংলাদেশি মুদ্রায় এ খাতে সহায়তা পাওয়া যাবে ৪০০ কোটি টাকার বেশি। এ বিষয়ে গতকাল ১৩ ডিসেম্বর রোববার সরকারের সঙ্গে এডিবি'র দ্বিপক্ষীয় চুক্তি হয়েছে। শেরে বাংলা নগরস্থ এনইসি সম্মেলন কেন্দ্রে আয়োজিত অনুষ্ঠানে সরকারের পক্ষে অর্থনৈতিক সম্পর্ক বিভাগের সিনিয়র সচিব মোহাম্মদ মেজবাহউদ্দিন ও এডিবি ঢাকা অফিসের আবাসিক প্রতিনিধি কাজুহিকো হিগুচি চুক্তিতে সই করেন। সূত্র-ইত্তেফাক (পৃ.১৮,ক.৬), প্রথম আলো (পৃ.১২,ক.৪), সংবাদ (শেষ পৃ.,ক.৫), ডেইলি স্টার বিজনেস (পৃ.১,ক.৪), ডেইলি সান বিজনেস (পৃ.১,ক.৩)।

৭। বাংলাদেশ দক্ষিণ এশিয়ার শীর্ষ অর্থনৈতিক শক্তিতে পরিণত হতে পারে

: সেমিনারে মার্কিন আন্ডার সেক্রেটারি শ্যানন

বাংলাদেশ আঞ্চলিক যোগাযোগের ক্ষেত্রে অনেক দিন ধরে নেতৃস্থানীয় অবস্থানে রয়েছে। দেশটি দক্ষিণ এশিয়ার শীর্ষ অর্থনৈতিক শক্তিতে পরিণত হতে পারে বলে মন্তব্য করেছেন মার্কিন পররাষ্ট্র দফতরের রাজনীতি বিষয়ক নতুন আন্ডার সেক্রেটারি টমাস এ শ্যানন। তিনি বলেন, বাংলাদেশ এই অঞ্চলের বাণিজ্যিক শক্তিকেন্দ্র এবং দক্ষিণ ও দক্ষিণ-পূর্ব এশিয়ার মধ্যে মানুষ এবং পণ্য পরিবহনে কেন্দ্রীয় ভূমিকা রাখতে পারে। আমাদের ইন্দো-প্রশান্ত মহাসাগরীয় অর্থনৈতিক করিডোর উদ্যোগের মাধ্যমে যুক্তরাষ্ট্র এই লক্ষ্য বাস্তবায়নে সহায়তা দিয়ে যাচ্ছে। গতকাল ১৩ ডিসেম্বর রোববার বাংলাদেশ ইনস্টিটিউট অফ ইন্টারন্যাশনাল অ্যান্ড স্ট্যাটেজিক স্টাডিজ মিলনায়তনে ‘বাংলাদেশ ও মার্কিন যুক্তরাষ্ট্রের সম্পর্ক বৈশ্বিক ইস্যুতে একযোগে’ শীর্ষক সেমিনারে তিনি এসব কথা বলেন। সূত্র-সংবাদ (শেষ পৃ.,ক.৪), জনকণ্ঠ (পৃ.১,ক.৪), প্রথম আলো (শেষ পৃ.,ক.১), ইত্তেফাক (শেষ পৃ.,ক.৫), ডেইলি স্টার (শেষ পৃ.,ক.২), ইন্ডিপেনডেন্ট (পৃ.১,ক.৫)।

৮। বাংলাদেশ এখন এশিয়ান টাইগার

: গণবক্তৃতায় বিশ্বব্যাংকের ভাইস প্রেসিডেন্ট অর্থনীতিবিদ ড. কৌশিক বসু

২০২০ সালের আগেই বাংলাদেশের অর্থনৈতিক প্রবৃদ্ধি ৮৯ শতাংশ হবে। তবে এজন্য বিনিয়োগ নিশ্চিত করতে হবে। এখন পর্যন্ত দেশের মোট জাতীয় আয়ের ২৯ শতাংশ পর্যন্ত বিনিয়োগ হচ্ছে। এ বিনিয়োগ যদি ৩৪ থেকে ৩৫ শতাংশ পর্যন্ত নেওয়া যায় তাহলে সহজেই প্রবৃদ্ধি ৮ শতাংশ হবে বলে মনে করেন বিশ্বব্যাংকের সিনিয়র ভাইস প্রেসিডেন্ট ও প্রধান অর্থনীতিবিদ ড. কৌশিক বসু। গতকাল ১৩ ডিসেম্বর রোববার রাজধানীর শেরে বাংলা নগরের বঙ্গবন্ধু আন্তর্জাতিক সম্মেলন কেন্দ্রে এক গণবক্তৃতায় তিনি এসব কথা বলেন। ‘বিশ্ব অর্থনীতি, বাংলাদেশ ও আঞ্চলিক সহযোগিতা :সমস্যা ও সম্ভাবনা’ শীর্ষক এ বক্তৃতা অনুষ্ঠানে সভাপতিত্ব করেন বাংলাদেশ ব্যাংকের গভর্নর ড. আতিউর রহমান। সূত্র-ইত্তেফাক (শেষ পৃ.,ক.৬), প্রথম আলো (পৃ.১,ক.১), সংবাদ (শেষ পৃ.,ক.৪), নিউজ টুডে (পৃ.১,ক.৭), ডেইলি স্টার বিজনেস (পৃ.১,ক.১)। জনকণ্ঠ, ফিন্যানশিয়াল এক্সপ্রেস এ বিষয়ে লিড নিউজ ছেপেছে।

৯। সামাজিক যোগাযোগ মাধ্যম টুইটার, স্কাইপ, ইমো বন্ধের নির্দেশ

নতুন করে সামাজিক যোগাযোগ মাধ্যম টুইটার, স্কাইপ ও ইমো বন্ধ করে দিয়েছে বাংলাদেশ টেলিযোগাযোগ নিয়ন্ত্রণ কমিশন। গতকাল ১৩ ডিসেম্বর রোববার সন্ধ্যা ৭টার পর থেকে এই তিনটি সামাজিক যোগাযোগ মাধ্যম বন্ধ করার নির্দেশনা জারি করে সংস্থাটি। গতকাল ১৩ ডিসেম্বর রোববার রাতে বিটিআরসির এ সংক্রান্ত একটি নির্দেশনা মোবাইল অপারেটর ও টেলিকম সেবা দানকারী প্রতিষ্ঠানগুলোকে পাঠানো হয়েছে। সূত্র-ইত্তেফাক (পৃ.১,ক.১), প্রথম আলো (পৃ.৩,ক.১), জনকণ্ঠ (পৃ.১,ক.৫), ডেইলি স্টার (শেষ পৃ.,ক.৮), নিউ নেশন (পৃ.১,ক.৫), নিউ এজ (পৃ.১,ক.২)।

১০। পৌর নির্বাচনে প্রার্থী চূড়ান্ত

পৌর নির্বাচনে মনোনয়নপত্র প্রত্যাহার শেষে আজ ১৪ ডিসেম্বর সোমবার থেকে প্রার্থীরা নেমে পড়ছেন চূড়ান্ত লড়াইয়ে। এদিকে শেষ দিনে শেষ খবর পাওয়া পর্যন্ত সারাদেশে আওয়ামী লীগের ৯২ ও বিএনপির ২১ জন বিদ্রোহী মেয়র প্রার্থী তাদের প্রার্থিতা প্রত্যাহার করে নিয়েছেন। সর্বশেষ হিসাব অনুযায়ী আওয়ামী লীগের ৮৬ এবং বিএনপির ৩৩ জন বিদ্রোহী তাদের প্রার্থিতা প্রত্যাহার করেননি। সূত্র-জনকণ্ঠ (পৃ.১,ক.৩), ইত্তেফাক, সমকাল, ইনকিলাব, যায়যায়দিন, ইন্ডিপেনডেন্ট, ডেইলি সান, বাংলাদেশ টুডে এ বিষয়ে লিড নিউজ ছেপেছে।

সম্পাদকীয়

ক. প্রথম আলো, ইত্তেফাক, জনকণ্ঠ, যুগান্তর, সমকাল, সংবাদ, ইনকিলাব, ভোরের কাগজ, ডেইলি স্টার, ইন্ডিপেনডেন্ট, ডেইলি সান, নিউ এজ, ডেইলি অবজারভার : শহীদ বুদ্ধিজীবী দিবসে সকল শহীদ বুদ্ধিজীবীর স্মৃতির প্রতি গভীর শ্রদ্ধা জানিয়ে বুদ্ধিজীবী হত্যাকাণ্ডের বিচার ও সব ঘাতকের দণ্ড কার্যকর করার আহ্বান;

খ. জনকণ্ঠ, ইনকিলাব, ইন্ডিপেনডেন্ট, নিউজ টুডে: পদ্মা সেতু চালু হলে দেশের অর্থনৈতিক প্রবৃদ্ধিতে গতি সঞ্চার হবে প্রত্যাশা ব্যক্ত করে মূল সেতু এবং আনুষ্ঠানিক অবকাঠামো নির্মাণের কাজে আরও গতি সঞ্চারের সুপারিশ;

- গ. প্রথম আলো, যুগান্তর : দেশে জঙ্গি তৎপরতার বিস্তার ও কার্যক্রম রোধে অবিলম্বে সন্ত্রাসীদের গ্রেফতারের আহ্বান;
- ঘ. সমকাল : পটুয়াখালীর গলাচিপা ও রাঙ্গাবালী উপজেলার চরাঞ্চলে পাকা ধানের ক্ষেতে প্রশাসনের লাল নিশান উড়ানোর চিত্র তুলে ধরে খাজনা আদায়ের নামে ফলানো ফসলকে জিম্মি করে ধান চাষ শুরুর আগেই চরাঞ্চলের খাস জমির লিজ নবায়নের কাজটি করার ওপর গুরুত্বারোপ;
- ঙ. ডেইলি স্টার : প্যারিসে অনুষ্ঠিত জলবায়ু সম্মেলনে সংশ্লিষ্ট বিশ্ব নেতৃবৃন্দ যে ২১টি এগ্রিমেন্টে পৌঁছেছেন তার সফল বাস্তবায়নের প্রত্যাশা;
- চ. ডেইলি সান : অধিকাংশ সরকারি হাসপাতাল ও হেলথকেয়ার সেন্টারের করিডোর ও চলাচলের পথ অস্বাস্থ্যকর ও নোংরা পরিবেশ থাকায় হাসপাতাল ব্যবস্থাপনাকে এ ব্যাপারে যথাযথ পদক্ষেপ নেওয়ার আহ্বান;
- ছ. নিউ এজ : রাজধানীর ৭৪০০০টি ম্যালহোলের ১০ শতাংশের মুখ খোলা থাকার চিত্র তুলে ধরে ওয়াসাকে দ্রুত এসব ম্যালহোলের ঢাকনা লাগানোর সুপারিশ;
- জ. ফিনানশিয়াল এক্সপ্রেস : বিভিন্ন খাতে ভর্তুকি দেওয়ার পদ্ধতিতে স্বচ্ছতা আনয়নে ন্যাশনাল সাবসিডি পলিসি প্রণয়নের প্রয়োজনীয়তা তুলে ধরে সম্পাদকীয় প্রকাশ করেছে।

#### উপ-সম্পাদকীয়

**ইত্তেফাক** পত্রিকায় প্রকাশিত কলামে একদিকে বাণিজ্য অন্যদিকে জনবিরোধী রাজনীতির বর্ম হিসেবে মুক্তিযুদ্ধকে ব্যবহারের চেষ্টাই এখন জোরদার বলে উল্লেখ করা হয়েছে।

#### নিবন্ধ ও ফিচার

**ইনকিলাব** পত্রিকায় প্রকাশিত ‘মানবসম্পদ উন্নয়নের মাধ্যমে অর্থনৈতিক সমৃদ্ধি অর্জন সম্ভব’ শিরোনামের নিবন্ধে মো. এনামুল হক খান অধিক জনসংখ্যাকে বোঝা না ভেবে কর্মক্ষম ও যোগ্যতা বৃদ্ধিতে অব্যাহত প্রচেষ্টা নিলে দেশে মানবসম্পদের হার বৃদ্ধি পাবে, উন্নয়ন-উৎপাদন বাড়বে, দেশের অর্থনীতি সমৃদ্ধ হবে। উৎপাদিত পণ্যের খরচ কমবে, দেশ অর্থনৈতিকভাবে এগুবে। এভাবেই বাংলাদেশ মধ্যম আয়ের দেশে পরিণত হবে বলে উল্লেখ করেছেন।

#

ফারহানা/মরজিনা/বিপু/২০১৫/৯.০০ ঘণ্টা